



**INUIT AQQINIK AKUERSISARTUT**

Novembarip 17-ianni 2010, nal. 13.00

ataatsimiinnerannit imaqarniliaq

Peqataapput: Carl Chr. Olsen, Isak Davidsen

Peqataangilaq: Ellen J. Karlsen.

Imaqarniliortoq: Nuka Møller

Oqaluuserisassat:

**1. Tikilluaqqusineq**

Siulittaasoq tikilluaqqusivoq, naatsumillu aqqit allamiut oqaasiinit kingoqqisut eqqartutsiarlugit.

**2. Kingullermik ataatsimiinnermit imaqarniliat akuerineqarneri**

Imaqarniliaq 041010 ullulernerqarsimasoq akuerineqarpoq.

**3. Atit akuereqqullugit qinnutigisat**

a. *Kiimi* – niviarsiaqqat nukappiaqqallu atiattut akuerineqarpoq. Qallunaat Nunaanni aqqit akuerisat nalunaarsorsimaffianni paasineqarmat ersiutaa sivitsuusernagu Kimi niviarsiaqqat nukappiaqqallu atiattut akuerisat akornanniittoq, taanna tunngavigalugu kalaallisut ersiutaa sivitsorlugu atorneqarsinnaavoq.

**4. Aqqit pillugit suliat ataatsimiinnerup avataatigut ingerlaavartut.**

a. *Narti*, Avanersuarmitut Nielsinep taaguutitut atorneqarnera kuissutitut qinnutigineqaraluarmit IAA-mi ilaasortat innersuutigaat taaguutitut atuinnaqqullugu. Palaseqarfimmit ilisimatitsissutigineqarpoq tamannali tusarliunneqanngitsoq kuisitsiniartut taamaassasoq aalajangersimasut.

- b. *Aqqit isumaat pillugit apeqqufit*: Allatsip ilisimatitsissutigaa ullumi ateq *Majaq* qanoq isumaqarneraq saaffiginnissutigineqarsimasooq. Misissorneqassaaq, tassunga atatillugu siulittaasooq ilisimatitsivoq Alaskami aamma atiullunilu kinguliaasooq Avangersuarmitullu aqqit Alaskami arlaqartut nassaassaasartut, s.i. Tukummeq, Eqilat allallu. *Arraq* Nunavumiut ilaata apeqqutigisaa ilimatsaannerarpaa /gg/-imik allanneqarsimassagaluartooq. *Maalik* pillugu saaffiginnissummi aqqit ilaasa ersiutaata sivitsorneqartarnerat mianersuutissaanerarpaa, soorlu aamma Ivalu Iivalumik allanniarneqartartooq. *Uliukutuii* akissusiarineqarneratut ilimagineqarpoq aqaataassasooq. Ilisimatitsissutigineqarpoq *Iluuna* suli ilumut Tunumiusuumit naggueqarneraq nalornissutigineqarallartillugu nittartakkamut ikkunneqassanngikkallartooq, aammalu *Anuik* kalaallisuiq naggueqaqqaarsimanngikkaluartooq kalaallisut nipeqarnera pillugu akuerineqarsimasooq erseqqissaatigineqarpoq.
- c. Aqqit nittartakkamut ikkussuunneqarsimasut annerusumik tusaatissatut tiguneqarput, taamaattoq Suersaq pillugu nassuiaammi ateq pissuseqataa *Massagaq (mamisagaq)* aamma timitta saatsinniittup aammik pilersuisua taama taaneqartartooq erseqqissaatigineqarluni. Taamatuttaaq ilisimatitsissutigineqarpoq *Kunuk* Alaskami Canadamilu atiullunilu kinguliaasartooq.

## 5. Taasariaqartut allat

- a. Ilisimatitsissutigineqarpoq *Karla Jessen Williamson* Oqaasileriffimmut saaffiginnissimasooq aqqit pillugit Ilinniuserfik suleqatigalugu atuakkiaaqqanik arlaqartunik suliaqalersarluni. Tassani Oqaasileriffik siunnersortitut inissisimassalluni piareersimasutut akuersaarsimavoq.
- b. *Kanku* Naak kalaallit aqqattut akuerineqannginnera aalajangiusimaneqaraluartooq, paasisat naapertorlugit Qallunaat Nunaanni aterineqartutut nalunaarsorsimavoq, taamaattoq Qallunaat Nunaanni akuerisaniinnani. Narsami palaseqarfiup/qinnuteqartut Qallunaat Nunaanni Familiestyrelsemut akuerineqaqqullugu qinnuteqaateqarnissaat aalajangiusimaneqarpoq.
- c. *Ukiumoortumik nalunaarusiaq*. Oqaasiliortut allattaannut piareerlugu tunniunneqartussaavoq januaarip 15-ianni 2011-mi. Decembari qaammat missingersuusiorlugu suliarineqassaaq. Naammasseriarpaaq ilaasortat qimerluussavaat ilassutissaqassappallu tamakku ikkussorneqarumaarput.
- d. *Tulliani ataatsimiinnissaq* 2011-mi januaarip aallartinnerani pissasooq siunniunneqarpoq. Annerusumik sammineqassaaq ukiumoortumik nalunaarusiap missingersuusiorneqarnerata qimerlooreerlugu akuerinissaa. Taamaattoq pinartoqartillugu naapeqatigiinnissaq attaveqatigiittarnissarlu ammaffigineqarput.

Inussiarnersumik inuulluaqqusilluta

Carl Chr. Olsen, puju  
Siulittaasoq

Nuka Møller  
Aqqit pillugit isumaginnittoq